


龍門仇家邊呻無錢邊開新舖

網民回帶楊朗掠水劣跡 質疑賣慘搶黃圈光環



為咗爭食人血饅頭，黃圈鬼打鬼嘅戲碼真係好複雜。話說因為被黃店「龍門冰室」老闆張俊傑炒魷，為咗報復而向傳媒揭發「龍門」人血內幕嘅「Marco Yeung」（楊朗），早前因被張俊傑入稟告誹謗而沉寂咗一排，估唔到佢近日竟然自立門戶，開咗間台式食店，仲獲攬炒派區議員、「佔中」翼警分子曾健超到場宣傳。唔少網民見到都非常氣憤，質疑一直呻冇錢打官司嘅佢，借著俾「龍門」迫害嘅光環呢錢呢到可以開舖。其實啲網民又唔使咁火滾嘅，事關係黃圈搵食嘅人全部都係為咗自己利益，有呢啲情況完全唔奇。

●香港文匯報記者 雨航



▲與攬炒派政棍曾健超合影宣傳新舖的楊朗，原來去年曾出帖鬧攬炒派。
▲曾健超（左）與楊朗（右）合照，宣傳楊的新舖。

因參與前年元朗「7·21」事件而被控暴動罪嘅楊朗，曾經係由張俊傑創立嘅「香港人嘅冰室資源中心」擔任手工藝室主管，後來因為鬧不和被張俊傑辭退，心有不甘嘅佢分別透過「抗爭」文本「消失了的聖誕卡」同埋傳媒，踢爆「龍門」利用「手足」賺錢再用完即棄嘅內幕，結果被張俊傑入稟告誹謗，唔少反「龍門」嘅黃絲當時一度幫楊朗護航，同龍粉撐到盡。不過，之後因為楊朗被質疑係太古城片皮鴨團購中嘅「同路人」運費，而令輿論風向轉變。

曾被踢爆團購掠運費

「連登」網民見到早前俾龍粉類類狙擊嘅楊朗竟然有錢開舖，紛紛質疑佢係靠賣慘呢錢起家，有網民更幫大家回

帶，楊朗去年9月參與黃絲組織「太古同怒人」嘅團購統籌，但佢賣嘢陣陣就冇用黃店本身提供嘅運輸服務，並以運輸費為由，每張訂單要求客人畀多最少30蚊。楊朗仲畀客人取貨時藉機兜售唱衰龍門嘅「消失了的聖誕卡」，搞到有黃絲忍唔住投訴。

曾健超近日就係fb開post推廣楊朗嘅新舖「鐵路便當」，講到間舖係由「手足」Marco營辦，又話呢間舖「係我哋一齊撐起『自己人』」，撐住黃色經濟圈嘅機會，結果當然引嚟唔少負評。

記得攬炒派區議員趙家賢早前係網民大鬧「龍門」告楊朗嗰陣，力撐楊朗係「真手足」，而當楊朗睇太古城團購瀾野後又急急割席，唔知今次曾健超係咪又係嗰陣見好就纏埋嚟，見

「首先張生蠶在三萬（蚊）請咗呢件垃圾，仲要俾人過橋抽板，埋咗嗰班要爭黃市場份嘅所謂黃店堆，夾埋藍西唱衰龍（龍）門，結果咪所有唱衰龍（龍）門嘅人都不停撈到油水開分店，連呢隻社運老鼠收埋啲維穩費都逆市開舖，係張生俾人網絡欺凌到精神病，兼夾為咗支持呢場運動賠左（左）幾間舖。」

網民寸鬼打鬼「等睇兩間嘢執笠」

但「Cecilia Mok」就認為「龍門」都唔抵可憐：「Marco Yeung 係社運老鼠，但張生都唔好得幾多咗嗰，之前呢呢埋埋都唔少錢啦，執幾間舖（舖）算係咩？有做過衰嘢又點會搞到咁，等睇呢兩間嘢全線執笠。」

「慢必」跳船退政圈 稱不再集會參選

香港文匯報訊（記者 鄭治祖）再有組織和參與違法的所謂「35+初選」攬炒派中人宣布退出政圈。涉嫌違反香港國安法「串謀顛覆國家政權罪」、正被選押的立法會前議員陳志全昨日透過胞妹發表聲明，聲稱已向「人民力量」辭去主席一職並退出該組織，以及不再參與選舉和任何遊行、集會、示威活動。「人民力量」隨即發表聲明，表示尊重及理解其決定，並已接納其退黨申請。

辭「人力」主席兼退出組織

陳志全昨日透過其胞妹發表聲明指，

「1. 本人已正式向『人民力量』辭去主席一職，並退出『人民力量』。2. 本人將不再參與任何類型、界別和級別的選舉，或協助進行選舉活動。3. 本人亦不會參與任何遊行、集會、示威等群眾活動。」

「人民力量」隨即回應稱，正式收到陳志全退黨通知，尊重及理解其決定，並已接納其退黨申請。

人稱「慢必」的陳志全於2012年當選立法會議員，同年公開男同性戀者身份，為香港歷來首位公開「出櫃」的在任立法會議員。陳志全也是攬炒派立法會拉布主力之一。2019年，涉

嫌在經民聯立法會議員石禮謙主持的「逃犯條例」法案委員會上，違反《立法會（權力及特權）條例》第十九條被捕。

及至去年，陳志全與民主黨前成員許智峯、攬炒派立法會前議員朱凱迪在立法會審議《國歌條例草案》期間，在會議室內潑臭水，試圖阻撓會議進行，最後被檢控一項藐視罪及一項意圖使他人受損害、精神受創或惱怒而企圖施用有害物品罪。

特區政府去年因應疫情押後立法會換屆選舉，考慮到選舉延期令香港出現立法機關「真空期」的問題，全國人大常

龍門打手「回帶」告急 死撈舊聞唔算舊



●「連登」帖主近日回帶「龍門」告急帖文，俾網民大罵炒冷飯。



就嚟一年365日都嗰度告急嘅「龍門冰室」又故伎重施？網民「貓貓懷孕」近日就係「連登」以「（突發）龍門冰室最後告急」為題開post，裡面貼出一個顯示係4分鐘前嘅「龍門」fb post截圖，內文當然就係「龍門」大打慘情牌嘅告急文，結果個post就惹嚟大量負評，點解？原來帖主嘅截圖係來自「龍門」3月10日嘅post。過咗一個多月仲推返舊聞出嚟幫「龍門」宣傳，難怪網民質疑帖主係「龍門」打手啦。

寓言故事「狼來了」相信大家都睇過，難為啲黃絲唔知俾人呢咗幾多次先終於醒覺。話說「龍門」嘅原post係講隨住政府先後兩次嘅「禁晚市堂食」，令餐廳入不敷支，積壓太多債務，「龍門」好可能捱唔住，希望各位香港人可以伸出援手幫佢捱過呢一關喇。

網民「豐羅漢」就好不屑：「又告急，想點啊，其實黃店一樣經歷同樣嘅（嘅）野（嘢），點解淨（剩）係你告急。」「那須川天心」亦直言：「經營不善，點幫都有用。」

「pop子」就踢爆個其實係「龍門」一個多月前嘅帖文，批評：「舊po (post) 當新聞呢人入」點知帖主就理直氣壯、擊大眼講大話：「一個月都無點舊聞？」「pop子」亦唔順氣回應：「你咁鍾意回帶，唔好貼幾星期前確診數字當今日新聞。」

被揶揄「每月一告好快慣」

「札克雷」就貼出帖主的發文記錄，發現帖主連續多日，以每日幾個post嘅頻率宣傳「龍門」，並留言道：「hi PR (公關)。」「G+」就揶揄：「每月一告，好快習慣。」

●香港文匯報記者 雨航



●市民到美國駐港總領館請願，抗議美國干涉香港事務。

赴美駐港總領館請願 市民批美借題干港務

香港文匯報訊（記者 子京）立法會日前通過《2020年入境（修訂）條例草案》，期望堵塞漏洞，防止假難民來港，美國政府卻對此指手畫腳，引發香港社會不滿，昨日有多位市民前往美國駐港總領館請願，批評美國干預香港事務。

昨日有市民一行4人到美國駐港總領館門前抗議，譴責美國政府抹黑香港。請願市民發言人表示，《2020年入境（修訂）條例草案》公布當日，特區政府就一再解

釋，條文僅針對抵港航班，並非離港航班，不會對香港居民出入境自由造成影響，但美國國務院發言人仍然發表聲明，對此事說三道四，批評其蠻橫無理地干涉香港事務和中國內政。

他們認為，香港受疫情影響，社會、經濟、民生都遇到空前壓力，急須要遏制疫情，令社會盡快回復正常。此條例的通過正是對香港市民以及公共衛生安全負責的表現，美國不應質疑和詆毀。

屢被「黃店」當羊牯 「連登仔」圍爐訴苦



咩叫貼錢買難受？去幫襯吓黃店啦。話說有網民近日就「連登」以「黃店既（嘅）特點就係態度西」為題開post，即刻引嚟唔少網民力數態度惡劣嘅黃店名單，不單係難食，仲要又貴又慢。其實，黃店質素參差都唔係第一日嘅事喇，望住啲黃絲一邊罵一邊幫襯，真係好擔心佢哋患咗斯德哥爾摩症候群。

「龍門」「光榮」等榜上有名

帖文「劣劣劣」近日嘅帖文話，噏家啲黃店「10間有9間樓面都係後生，串（寸）串（寸）實，客好似乞兒求佢比（界）你幫襯啲。」唔少網民都好有共鳴，紛紛留言提及「龍門冰室」「桔梗」「青花」「光榮冰室」等知名黃店，批評呢啲店「簡直唔係人食」。

「劣劣劣」就點名開「荖灣老閩娘米線」：「隔離有客好聲好氣問唔該我個米線等左（咗）半個鐘未有，可唔可以幫我睇睇？個店員無咗大聲問佢依（噏）家多單個個都要等，比（俾）d（啲）時間等下好冇？個客即刻死狗咁好好唔該話該！」

佢仲開埋「光榮冰室」：「試過嗰午餐，問多句午餐想加多份三文治，收銀又串過馬×話餐牌寫有得加呀，睇多次先再叫啲。」

除咗侍應態度差，「手足無措」仲批評：「難食又貴，都係果（嗰）句，好食既（嘅），黃藍都大把人排隊。」「你地（哋）慢慢，我一個月最多一兩次去試下（吓）d（啲）黃店，貴都算，又難食，又排得耐仲要態度差，試過好多間都比（俾）人當水魚。」

●香港文匯報記者 雨航